



Broj:

Datum: __.__.2019. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 - Prečišćeni tekst), Gradsko vijeće Grada Sarajeva, na sjednici održanoj __.__.____. godine, usvojilo je

Izveštaj o realizaciji programa manifestacije obilježavanja 6. aprila - Dana grada Sarajeva u 2019. godini.

PREDSJEDAVALJUĆI GRADSKOG VIJEĆA

Dr. Igor Gavrić

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

IZVJEŠTAJ
O REALIZACIJI PROGRAMA MANIFESTACIJE OBILJEŽAVANJA
6. APRILA – DANA GRADA SARAJEVA U 2019. GODINI

PREDLAGAČ:
GRADONAČELNIK

OBRADIVAČ:
GRADSKA SLUŽBA ZA OBRAZOVANJE,
KULTURU, SPORT I MLADE

Sarajevo, juni 2019. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; **Fax:** +387 33 208 341
e-mail: grad@sarajevo.ba; **web:** www.sarajevo.ba



EYOF 2019

Sarajevo & East Sarajevo



APRIL

DAN GRADA SARAJEVA

*ZVJEŠTAJ O REALIZACIJI PROGRAMA MANIFESTACIJE OBILJEŽAVANJA
6. APRILA - DANA GRADA SARAJEVA U 2019. GODINI*

KULTURNE I SPORTSKE MANIFESTACIJE

KULTURNE MANIFESTACIJE

IZLOŽBA „ULICAMA MOGA GRADA

„Ulicama moga grada” naziv je izložbe koja je otvorena u galeriji Roman Petrović u sklopu programa obilježavanja Dana grada Sarajeva. Izložba predstavlja koordinirani projekt jednog od najpoznatijih bh. fotografa Almina Zrne i učenika Srednje škole primijenjenih umjetnosti. Riječ je o 25 fotografija dvanaest mladih autora, koji su u proteklom periodu pod mentorstvom Almina Zrne, Amre Patković i Elme Alić Šobot pohađali radionice na kojima su usvojili osnovna znanja o fotografiji i fotografisanju.

IZLOŽBA “POŠTANSKE MARKE I STARE RAZGLEDNICE IZ ZBIRKI SARAJEVSKIH KOLEKCIONARA”

U sklopu obilježavanja Dana Grada Sarajeva, danas je otvorena Izložba poštanskih maraka, pisama, starih razglednica i novca iz zbirki 15 sarajevskih kolekcionara. Ovu jedinstvenu izložbu koju je podržao Grad Sarajevo, organiziralo je Društvo filatelista i numizmatičara Kantona Sarajevo. Predsjednik Društva Kemal Taljanović naveo je da su za ovu izložbu izabrani razni motivi kako bi pobudili interes za kolekcionarstvo, posebno mladih generacija, jer se iz tog hobija može mnogo naučiti.

SVEČANO OTVORENJE PROGRAMA MODUL MEMORIJE 2019. U VIJEĆNICI

U glavnom holu Vijećnice svečano je otvoreno 24. izdanje kulturološkog programa Modul memorije, a dio je čuvenog sarajevskog internacionalnog teatarskog i filmskog festivala MESS. Specijalnu nagradu je dobio uvaženi fotograf Milomir Kovačević Strašni.

IZLOŽBA “COLLEGIUM ARTISTICUM 2019”

Šestoaprilska izložba „COLLEGIUM ARTISTICUM” tradicionalno se organizira u povodu Dana grada Sarajeva. Ovo je posebna prilika kada istaknuti stvaraoci izlažu svoja najvrijednija ostvarenja u protekloj godini. Ovom prigodom, Grad Sarajevo zaslužnim umjetnicima dodjeljuje odgovarajuće novčane nagrade. Organizatori ovogodišnje izložbe je ULUPUBiH za sva tri strukovna udruženja AABiH, ULUBiH, ULUPUBiH.

OTVARANJE MUZEJA „VALTER BRANI SARAJEVO“

Za rođendan glavnog grada Bosne i Hercegovine svečano je otvoren Muzej "Valter brani Sarajevo" posvećen kulturnom istoimenom filmskom ostvarenju rediteljskog velikana Hajdurina Šibe Krvavca. Muzej su otvorili generalni direktor JP Filmski centar Sarajevo Jasmin Duraković, premijer Federacije BiH Fadil Novalić, gradonačelnik Sarajeva Abdulah Skaka, predsjednik Povjerenstva u Turističkoj zajednici Kantona Sarajevo Nermin Muzur, bronji filmski radnici iz BiH, regije, gosti, prijatelji.

Muzej će biti jedna od najatraktivnijih turističkih destinacija, a kako je Muzur najavio, već vlada veliko interesovanje iz gradova u regiji, a posebno kod turista iz Kine. Gradonačelnik

Sarajeva je kazao da Muzej simbolizira vrijednosti grada Sarajeva, antifašizam, te da će ovakve institucije doprinijeti i razvoju turizma, kao jedne od najbrže rastućih privrednih grana.

PREDSTAVA ZA DJECU "JE LI TO SAMO SAN?"

U partnerstvu sa Udruženjem dramskih glumaca „Mundo Mondo“, podario im je na Dan grada predstavu „Je li to samo san?“ (Priče iz Sarajevske žičare). U Domu mladih spremno su ih dočekali glumci Dina Mušanović i Adis Omerović, koji su ih s mnogo energije i ljubavi povelili na bajkovito putovanje žičarom prema tekstu Žanete Trišić – Bajramović. Za režiju, scenografiju, kostime i masku pobrinuo se Mario Drmać. Predstava je obogaćena muzikom, plesom i humorom, a posebno interesantnom čine je multimedijalni elementi koji se prepliću s radnjom glumaca na sceni koji daju informacije o sarajevskim znamenitostima: Vijećnici, Šeher-Ćehajinoj ćupriji, Zemaljskom muzeju... Ovoj teatarskoj predstavi prethodio je edukativno-zabavni sadržaj, kojim je, Mario Drmać, na sebi svojstven način, duhovito i veselo, ukazao mališanima na bonton u pozorištu.

SPORTSKI PROGRAM

XVIII MEĐUNARODNI PLIVAČKI MITING „SARAJEVU S LJUBAVLJU“

Povodom obilježavanja Dana Grada Sarajeva, na Olimpijskom bazenu Otoka, u subotu i nedjelju, 30. i 31. marta 2019. godine, održan je XVIII Međunarodni plivački miting „SARAJEVU S LJUBAVLJU 2019“. Organizator Mitinga bio je Plivački klub Bosna, a ulogu suorganizatora preuzelo je JP „Olimpijski bazen Otoka“ d.o.o. Sarajevo. Pokrovitelj takmičenja bila je Gradska uprava Grada Sarajeva, a turnir je svečano otvorio gradonačelnik Sarajeva Abdulah Skaka. Na mitingu je nastupilo oko 400 takmičara iz 31 kluba. Pored klubova iz naše zemlje, na takmičenju su nastupili klubovi iz Srbije, Hrvatske, Kosova, Turske i Qatara.

XVII ŠESTOAPRILSKI TURNIR U STRELJAŠTVU ZA OSOBE SA INVALIDITETOM

U povodu obilježavanja Dana grada Sarajeva održan je XVII po redu tradicionalni Šestoaprilski turnir u streljaštvu za osobe sa invaliditetom, pod pokroviteljstvom Grada Sarajeva. Na turniru koji je organizovao Streljački savez invalidnih lica u FBiH, nastupilo je oko 100 strijelaca iz Sarajeva, Goražda, Mostara, Zenice, Maglaja, Živinica, Kladnja, Tuzle, Sanskog Mosta, Bihaća, Trebinja, Gacka, Nevesinja, Bijeljine, Travnika, Donjeg Vakufa. Strijelci Streljačkog Invalidskog Kluba Tuzla, takmičari u muškoj konkurenciji osvojili su prvo mjesto sa 1071 krugom.

XIII ŠESTOAPRILSKI TURNIR U HRVANJU "KUP GRADA SARAJEVA 2019."

13. Šestoaprilski turnir u hrvanju „Kup Grada Sarajeva“ je tradicionalna manifestacija sa blizu 200 učesnika iz regije i šire, zahvaljujući kvaliteti učesnika, a posebno organizacije, nalazi se u kalendaru evropske asocijacije u hrvanju.

XII MEĐUNARODNI ŠESTOAPRILSKI TURNIR U KOŠARCI

Šestoaprilski turnir u košarci u četiri kategorije (juniorske reprezentacije, kadeti, pioniri i minibasket) održan je u protekla tri dana u KSC 'Skenderija' i dvorani sportskog centra Radan. Na turniru je bilo zanimljivih okršaja u svim kategorijama. U juniorskoj kategoriji četvrto mjesto zauzela je reprezentacija Sjeverne Makedonije, treće mjesto je pripalo je reprezentaciji Kantona Sarajevo, drugo mjesto zauzela je reprezentacija Bosne i Hercegovine, osvajač juniorskog takmičenja je reprezentacija Crne Gore. Proglašena je i petorka turnira-juniori: Vujisić Viktor (Crna Gora) Milovanović Marko (Sjeverna Makedonija) Ilić Vojin (Kanton Sarajevo) Pajović Feđa (Crna Gora) i Topalović Đorđe (BiH) Vujisić Viktor je MVP turnira! Kadetsko takmičenje je pripalo ekipi Sparsa, koji je odličnom igrom u finalu svladao ekipu K.K.Koš. Treće mjesto je pripalo ekipi K.K.Igman Burch koja je savladala K.K. Dubrovnik. Četvrto mjesto KK Dubrovnik, peto mjesto Kvarner i šesto mjesto MZT Petorka turnira-kadeti: Gočobija Harun (KOŠ), Dimovski Borijan (MZT) Volarević Ante (Kvarner) Čikle Feđa (Igman Burch) i Vidović Valentin (Spars). Malešević Zerina (Spars) je MVP turnira. U kategoriji pionira KK Spars je zauzela 1. mjesto u finalu protiv K.K.KOŠ. Treće mjesto je osvojila ekipa Kastav u utakmici protiv K.K.Bosna. Peto mjesto je osvojila K.K.Budućnost Podgorica a 6.mjesto K.K.MZT. Petorka turnira-pioniri: Vigo Bart (Kastav) Selimović Mak (Bosna), Jović Filip (Spars), Belmin Avdić (KOŠ) Dimovski Borjan (MZT) MVP turnira je Mulić Zinedin (Spars). U kategoriji minibasket: 1.KK "Cedevita" 2.KK "Budućnost" 3.KK "Zadar" 4.KK "Rudeš" 5.KK "Split" 6.KK "KOŠ" 7.K.K. "Kvarner" 8.KK "Dubrovnik" 9.KK "Pepi Sport" 10.KK "Leotar"

XII MEĐUNARODNI ŠESTOAPRILSKI TURNIR U STRELJAŠTVU

U strelištu dvorane Zetra danas je u organizaciji Streljačkog kluba Sarajevo, a pod pokroviteljstvom Grada Sarajeva, održao 12. Međunarodni "Šestoaprilski turnir" za seniore i seniorke u gađanju vazdušnom puškom. Na turniru je nastupio rekordan broj takmičara iz šest zemalja Slovenije, Hrvatske, Srbije, Crne Gore, Mađarske i naše zemlje. Na turniru se prvi put gađala nova olimpijska disciplina Mixed Team u kojoj prema pravilima nastupaju jedna žena i jedna muškarac. Slavili su takmičari SD Trzin (Suzana Lukić/Maj Kadunc) iz Slovenije koji su u finalnom gađanju imali 492,0 kruga. Drugo mjesto osvojila je ekipa SD Dalmacijacement (Amadea Urbas/Marin Čerina) iz Hrvatske koja je imala 491 krug. Treće mjesto osvojila je ekipa SD Jezero za koju su nastupili mađari (Fanni Borsos i Peter Somogyi) koji su imali 424,4 krug. Drugog dana takmičenja na programu su discipline za žene i muškarce u pojedinačnoj i ekipnoj konkurenciji. Muška ekipa domaćina SK Sarajevo je odbranila prvo mjesto osvojeno prošle godine. Drugo i treće mjesto zauzele su ekipe iz Slovenije SD Trzin i SD Jezero. Takmičarke SK Sarajevo su takođe bile uspješne te su i one osvojile prvo mjesto. Velika borba vodila se za drugo mjesto. Ipak nakon ispaljenih 360 metaka, koliko su gađale po tri takmičarke u kepi odlučilo je samo 0,7 krugova te pehar namijenjen za drugo mjesto pripao takmičarkama

SD Dalmacijacement iz Hrvatske, a treće SD Jezero iz Slovenije. Pojedinačno najbolji takmičar iz BiH bio je naš olimpijac Nedžad Fazlija koji je osvojio drugo mjesto. Zlatna medalja mu je izmakla za samo 0,4 kruga.

II MEĐUNARODNI FUDBALSKI TURNIR „VALTER KUP 2019“

Škola fudbala Valter Sarajevo organizovala je drugi po redu međunarodni fudbalski turnir za igrače uzrasta 11 do 15 godina u tri kategorije: U-11, U-13 i U-15. Turnir je trajao od 4. do 7. aprila, a održan je u kampu Fudbalskog kluba Sarajevo u Butmiru. Domaćin ŠF Valter ugostio je 3000 mladih igrača iz 12 europskih zemalja.

XI MEĐUNARODNI KUGLAŠKI TURNIR ZA SLIJEPE „SARAJEVO 2019“

XI Međunarodni Šestoaprilski kuglaški turnir za slijepe Sarajevo 2019 je tradicionalna manifestacija na kojoj je učešće uzelo oko 80 takmičara iz Njemačke, Hrvatske, Slovačke, Mađarske, Srbije, Slovenije i naše zemlje.

EKIPNO PRVENSTVO OSNOVNIH ŠKOLA U ŠAHU SA PODRUČJA GRADA SARAJEVA

Ekipno prvenstvo osnovnih škola u šahu je manifestacija koja promovira šah za najmlađe uzraste kako bi se kroz šahovsku igru mlada ličnost razvijala u pozitivnom smjeru.

VI MEĐUNARODNI ŠESTOAPRILSKI TURNIR U FUDBALU „JOSIP KATALINSKI ŠKIJA”

Na stadionu Grbavica odigran je finalni susret Šestoaprilskog međunarodnog turnira "Josip Katalinski - Škija", između U-17 selekcija Bosne i Hercegovine i Makedonije. Nakon izjednačenog rezultata, izvođeni su penali. Selekcija BiH je uspjela odnijeti titulu pobjednika Turnira nakon maratonskog izvođenja penala, rezultatom 13:12. Selekcija Makedonije, nakon pobjede nad selekcijom grada Sarajevo i Istočno Sarajevo rezultatom 2:1, osvojila je treće mjesto. Nakon izvođenja penala uslijedila je svečana ceremonija dodjeljivanja pehara. Predsjednik NS/FS BiH Elvedin Begić, uručio je pehar pobjednicima Turnira, reprezentaciji Bosne i Hercegovine. Pehar za osvojeno drugo mjesto reprezentaciji Crne Gore, uručio je Predsjednik FK "Željezničar" Almir Gredić, a pehar za treće mjesto reprezentaciji Makedonije, uručio je Ministar kulture i sporta KS, Ivica Šarić. Nagradu za fair play osvojila je zajednička reprezentacija gradova Sarajevo i Istočno Sarajevo, pehar je uručio Predsjednik Fudbalskog Saveza Istočno Sarajevo, Milorad O. Lale.

XXVI MEMORIJALNI JUDO TURNIR „VINKO ŠAMARLIĆ”

26. Međunarodni memorijalni džudo turnir tradicionalno se organizuje u čast jednom od heroja odbrane Sarajeva Vinka Šamarlića. Na dvodnevnom turniru koji je održan u sportskoj dvorani na Grbavici nastupilo je preko 500 takmičara iz Bosne i Hercegovine, Austrije, Rumunije, Srbije, Crne Gore i Makedonije. Organizator je bio Judo klub "Željezničar".

KARATE WORLD GRAND PRIX „ALIJA IZETBEGOVIĆ”

U Domu Mladih u Sarajevu održan je KARATE WORLD GRAND PRIX SARAJEVO “Alija Izetbegović”. Ovaj turnir održao se u spomen prvom predsjedniku BiH, Aliji Izetbegoviću i okupio je najbolje seniore iz BiH. Na turniru su takmičari nastupili po pozivu organizatora, a KK”Rašid Buća” i Ilijaš je predstavljala Emina Brkić. U ženskoj konkurenciji na turniru je nastupilo osam najboljih takmičarki iz BiH, a Emina je pokazala svoj kvalitet i sa tri pobjede osvojila ovaj turnir i novčanu nagradu. Ovo je ujedno bila i posljednja provjera za reprezentativce BiH i Eminu Brkić pred Balkansko prvenstvo koje će se održavati sljedeće sedmice u Srbiji/Čačku.

KARATE KUP OSLOBOĐENJA – MEMORIJAL SALKO ĆURIĆ

U sarajevskoj Skenderiji održan je ovogodišnji "Karate kup Oslobođenja - Salko Ćurić". Ovaj kup se održava svake godine u znak sjećanja na Salku Ćurića, pionira karate sporta u Bosni i Hercegovini, koji je 1992. godine poginuo u odbrani Sarajeva. Na kupu se takmičilo više od 150 takmičara iz BiH i regije. Ovogodišnji "Karate kup Oslobođenja - Salko Ćurić" je svečano otvorio dogradonačelnik Grada Sarajeva Milan Trivić. Ceremonija otvaranja je protekla uz predstavljanje kate Heian Shodan koju su radili svi mladi učesnici u isto vrijeme po instrukcijama trenera Ivana Ivandića. U seniorskoj ženskoj konkurenciji takmičenje je održano u katama. Prvo mjesto osvojila je Vlatka Kiuk (KK Sljeme, Zagreb), druga je bila Biserka Radulović (KK Budućnost, Podgorica), dok su treće mjesto osvojile Jovana Marić (KK Budućnost, Podgorica) i Mia Roganović (KK Budućnost, Podgorica). Pobjednik seniora u borbama je Hamza Čajić (KK Orkka, Tuzla), drugo mjesto zauzeo je Mensur Đozić (KK Orkka, Tuzla), dok su treće mjesto osvojili Anes Čongo (KK Champion, Sarajevo) i Admir Dautović (KK Novi Grad, Sarajevo).

VIII MEĐUNARODNA REVIIJA SPORTA UČENIKA SREDNJIH ŠKOLA

Međunarodna revija sporta učenika srednjih škola je sportska manifestacija na kojoj su svoje učešće najavile srednje škole iz Varaždina, Plava, Beograda, Banja Luke, Sokoca, Istanbula i Sarajeva.

XVII MEĐUNARODNI TURNIR U RITMIČKOJ GIMNASTICI ”SUADA DILBEROVIĆ”

Više od 350 takmičarki iz BiH, Hrvatske, Srbije, Crne Gore, Slovenije, Mađarske i Latvije učestvovalo je na 17. Međunarodnom turniru u ritmičkoj gimnastici „Suada Dilberović” koji je, 7. aprila ove godine, održan u Sportskoj dvorani „Novo Sarajevo”. Ovo je bila prilika da djevojčice uzrasta od 5 do 18 godina demonstriraju rezultate dugotrajnih treninga, zalaganja i velike predanosti koje zahtijeva ovaj sport. Pored sjećanja na Suadu Dilberović, prvu žrtvu opsade i volonterku na XIV Svjetskom prvenstvu u ritmičkoj gimnastici 1989. godine, turnir

je nastavak napora kluba „Bosna Gym” Sarajevo da svojim angažmanom doprinese popularizaciji i afirmaciji ženskog sporta u BiH. Klub „Bosna Gym” Sarajevo je najuspješniji i najtrofejniji klub ritmičke gimnastike u Bosni i Hercegovini. Učesnici: 300 učesnika iz dvanaest zemalja

STELEKSIJADA 2019.

Steleksijada je tradicionalna sportska manifestacija povodom 6. Aprila Dana Grada Sarajeva u organizaciji Udruženja studenata Elektrotehničkog fakulteta "Steleks" Sarajevo. Studenti kroz ovu manifestaciju imaju mogućnost da se takmiče kroz 5 sportskih disciplina : košarka, mali nogomet, odbojka, stoni tenis i šah. Ova manifestacija također služi za odabir takmičara za međunarodno takmičenje "Stem games".

LVI MEĐUNARODNI ŠAHOVSKI FESTIVAL

Odigran je 56. Međunarodni šahovski festival Sarajevo 2019 povodom Dana grada Sarajeva, a u organizaciji šahovskog kluba Sarajevo. Učešće je uzelo preko 140 igrača iz Bosne i Hercegovine, regiona i drugih evropskih zemalja koji su se takmičili u seniorskoj i omladinskoj kategoriji. Na turniru su nastupila eminentna imena i to pet šahovskih velemajstora, šest internacionalnih šahovskih majstora i deset FIDE majstora. Nakon 9 uzbudljivih kola koja su igrana po švajcarskom sistemu, pobjednik je naš srebreni olimpijac velemajstor Emir Dizdarević. Drugo mjesto je osvojio velemajstor Kadrić Denis dok je treće mjesto pripalo majstoru FIDE Burović Rijadu. Dalje slijede velemajstor Stojanović Dalibor, Muratović Efim, Runić Zoran, velemajstor Vukić Milan, Kamberović Senad, Buljubašić Sabahudin i Jakovljević Vlado. Četiri prvoplasirana igrača sa festivala su reprezentativci Bosne i Hercegovine sa posljednje šahovske olimpijade odigrane u gruzijskom Batumiju prošle godine. Najuspješniji igrači sa rejtingom do 1900 ELO: Bazina Dražen. Najuspješniji igrači sa rejtingom do 2000 ELO: Redžepi Mehmedalija. Najuspješniji igrači sa rejtingom do 2100 ELO: Peštek Elvis. Najuspješniji veteran: Arapović Vitomir. Najuspješnija šahistkinja: Babić Milana. Najuspješniji igrač ŠK Sarajevo: Strinić Halid. Najuspješniji omladinac: Radača Nasir. Najuspješnija omladinka: Babić Maša. Organizaciju ovog šahovskog festivala je u punom kapacitetu omogućio Grad Sarajevo na čelu sa gradonačelnikom Abdulahom Skakom.

MALONOGOMETNI TURNIR "6. APRIL"

Malonogometni turnir "6. april" je manifestacija koju prvi put organizira MNK futsal Željezničar. Na turniru će učestvovati 12 malonogometnih ekipa sa područja grada. Mjesto održavanja: Dvorana Ramiz Salčin. Organizator: MNK futsal "Željezničar". Učesnici: 12 ekipa sa područja grada Sarajeva

PROGRAM NA OTVORENOM

Performans studenata Filozofskog fakulteta od Sebilja do BBI Centra; Kafa s gradonačelnikom;

PERFORMANS STUDENATA FILOZOFSKOG FAKULTETA

Grad Sarajevo je ovogodišnji 6. april obilježio i zanimljivim performansom kako bi se afirmiralo bosanskohercegovačko književno stvaralaštvo. Studenti Filozofskog fakulteta su danas na više lokacija u starim i centralnim dijelovima Sarajeva – od Sebilja do BBI centra, čitali poeziju savremenih i starijih bosanskohercegovačkih pjesnika, koji su pisali o Sarajevu i BiH. Na lokacijama na Baščaršiji i kod Vječne vatre pridružio im se i gradonačelnik Abdulah Skaka, navodeći da se na ovaj način, želi skrenuti pažnja na važnost knjige. Za to vrijeme dijelili su se flajeri sa imenom grada Sarajeva, napisan na svih pet bosanskih pisama: dva savremena – latinica i ćirilica i tri tradicionalna – glagoljica, bosančica i arebica, a sve s ciljem promocije bogatstva kulturnih raznolikosti Sarajeva i Bosne i Hercegovine. Grad Sarajevo je organizirao ulični performans u saradnji sa Društvom pisaca BiH i s Katedrom književnosti na Filozofskom fakultetu u Sarajevu, kao i sa Institutom za jezik Univerziteta u Sarajevu.

KAFA S GRADONAČELNIKOM

Kao i prethodnih godina, na Dan grada Sarajeva, i ovog aprila vladala je prava slavljenička atmosfera na Baščaršijskom trgu. Građani, gosti i turisti bili su u prilici da se druže sa gradonačelnikom Abdulahom Skakom i njegovom suprugom Majdom, te da popiju bosansku kafu i počaste se tradicionalnim poslasticama. Ovom prilikom je gradonačelnik naglasio: “Sarajevo nastavlja da bude grad različitosti, ali i grad u kojem se svi međusobno uvažavaju i poštuju. Ključna rečenica je da mi u Sarajevu ne živimo jedni pored drugih, nego jedni sa drugima”. Na trgu je bio upriličen i prigodan kulturno-umjetnički program.

SVEČANA SJEDNICA GRADSKOG VIJEĆA GRADA SARAJEVA

Svečana sjednica Gradskog vijeća koja je održana u Vijećnici uz uručenje Šestoaprilske nagrade i drugih gradskih priznanja, vrhunac je programa obilježavanja 6. aprila – Dana grada Sarajeva. Uz prisustvo diplomatskog kora, predstavnika svih nivoa vlasti u zemlji, gradskih vijećnika i ranijih gradonačelnika, svečanosti su prisustvovali predstavnici bratskih i prijateljskih gradova: Pule, Zagreba, Dubrovnika, Novog Pazara, Podgorice i Kuala Lumpura. Čestitajući praznik, predsjedavajući Gradskog vijeća Igor Gavrić i gradonačelnik Abdulah Skaka su u prigodnim obraćanjima istaknuli da je šesti april simbol stalne borbe Sarajeva i njegovih stanovnika protiv zla fašizma iz različitih epoha. Građani Sarajeva su uvijek i u najtežim vremenima bili na pravoj strani historije, na strani istine, demokratije, ljudskih prava i sloboda. Tako je i danas, a tako će i biti u budućnosti. Predsjedavajući Gavrić i gradonačelnik Skaka uručili su „Šestoaprilske

nagrade Grada Sarajeva” u 2019. godini: prof. dr. Franji Topiću za doprinos u oblasti kulture i umjetnosti, prof. dr. Fahrudin Smajloviću, u oblasti zdravstva i socijalne zaštite, te Bogić Bogićeviću u drugim oblastima rada i stvaralaštva, koji je sav novčani iznos nagrade, dao Roditeljskoj kući. „Počasni građanin Grada Sarajeva“ u 2019. godini postali su: Mirjana Karanović, glumica, veliki borac za ljudsku pravdu i prava, posebno vezana za Sarajevo; Chris Smith, američki kongresmen, zagovornik ljudskih prava, koji je tražio zaustavljanje agresije i genocida i skretao pažnju na situaciju u BiH; maestro Michelangelo Pistoletto, jedan od najvećih živućih protagonista svjetske suvremene umjetnosti i podržavalac projekta ARS AEVI; Krunoslav Cigoj (posthumno), operni umjetnik, koji je u vrijeme opsade Sarajeva, učestvovao na koncertima za Sarajevo. Njegov sin Marko Cigoj je preuzeo Povelju. Plakete Grada Sarajeva primili su Sadeta Dervišević – Satka, medicinska sestra Dobrinjske ratne bolnice za izuzetan doprinos u liječenju ranjenih i oboljelih pripadnika ARBiH, civila Sarajeva u toku agresije na RBiH, te sportskom novinaru Muhamedu Bikiću za dokumentarac “Keli” o fudbaleru Želimiru Vidoviću Keliju koji je poginuo u Sarajevu tokom agresije. Plaketa Grada Sarajeva dodijeljena je slovenskom novinaru Ivi Štandekeru (posthumno), koji je poginuo na Dobrinji 1992. godine. Nagradu je preuzeo Robert Botteri, kreativni direktor lista „Mladina“ za koji je Štandeker izvještavao o istini o stradanju Sarajeva i njegovih stanovnika. Posthumno Plaketa Grada Sarajeva pripala je i profesoru Jasminu Džindi za veliki doprinos razvoju Univerziteta u Sarajevu, autoru brojnih knjiga, članaka, i studija, osnivaču Katedre za italijanistiku na Filozofskom fakultetu u Sarajevu. Ovo gradsko priznanje je preuzeo njegov sin Mirza Džindo. Malonogometna reprezentacija BiH osoba sa dijabetesom dobitnik je nagrade „Sarajevska pahuljica“. Nagrada „Graham Bamford“ za građansku hrabrost, solidarnost, humanost i altruizam ove godine pripala je Elviru Karaliću, osnivaču i idejnom tvorcu HO „Pomozi.ba“. Prigodan program svečanosti u Vijećnici oplemenio je svojim izvedbama Sarajevo Big Band.

MEĐUNARODNA SARADNJA

Obilježavanju ovogodišnjeg 6. aprila, Dana grada Sarajeva prisustvovala su delegacije inostranih pobratimskih i partnerskih gradova: Pule, Zagreba, Dubrovnika, Novog Pazara, Podgorice i Kuala Lumpura.

Sastav delegacija:

Grad Kuala Lumpur (Malezija)

- Dato' Nor Hisham A Dahlan, gradonačelnik Kuala Lumpur
- Datin Rabithah Zakariah
- Mohd Fadzil bin Noh
- Nurulhalina binti Jalaludin

Podgorica (Crna Gora)

- Dr. Slađana Vujačić, zamjenica gradonačelnika
- Dragutin Đeković
- Albina Međedović

Skoplje (Makedonija)

- Petre Shilegov gradonačelnik
- Viktorija Avramovska Madikj
- Marko Todorov
- Marija Antova
- Dimche Tashkov
- Kristijan Chushkov
- Abdulsamet Shabani
- Ardijan Mucha
- Senad Smailovikj
- Gjorgi Galetanovski
- Tina Petrushevska

Pula (Hrvatska)

- Robert Cvek, zamjenik gradonačelnika

Dubrovnik (Hrvatska)

- Mato Franković, gradonačelnik
- Kristina Goluža
- Zrinka Raguž
- Marijeta Hladilo

Bošnjačka nacionalna zajednica za Grad Dubrovnik i Dubrovačko – neretvansku županiju (BNŽ/ DNŽ)

- Šemsudin Brković, predsjednik
- Namik Bakšić, podpredsjednik

Zagreb (Hrvatska)

- Harun Omerbašić, posebni viši savjetnik gradonačelnika za investicije i strana ulaganja-specijalista

Novi Pazar (Srbija)

- Nihat Hasanović, pomoćnik gradonačelnika
- Mirsad Jusufović
- Esmir Muratović
- Husein Memić

PRESS ANALIZA

U periodu koji prati ovaj izvještaj objavljeno je najmanje 200 medijskih sadržaja u domaćim, regionalnim, evropskim i svjetskim medijima sa apsolutno pozitivnim karakterom.

Značajan broj sadržaja objavljen u medijima povodom 6. aprila, Dana grada Sarajeva u pozitivnom svjetlu, kao i posjeta legendarnog frontmena grupe Iron Maidena, Bruce Dickinsona kojem je ujedno glavni grad BiH dodjelo priznanje "Počasni građanin Grada Sarajeva".

Objavljeni su tekstovi na vrlo posjećenim portalima, od čega na portalima koji su među najposjećenijim u svijetu.